

Liujcouh: Lijyouz Gingjih Mbaucqoz Myauzcuz Hag Cauj Byaek

柳州：旅游景区苗族青年学烹饪

5 nyied 21 hauh, Yungzsuij Myauzcuz Swciyen Yungzsuij Cin caeuq Liujcouh Si Hinghgei Cizyez Gisuz Yozyen lienzhah youq Sinh'anh Cunh Cangzlai Lijyouz Gingjih gawjbanh aen beizyinbanh mienxfei q cau baek gezyez lo, gyoengq yozyenz ginggyaq hagsib lij lun cihsiz、

sizbinj ancienz gyauyuz caeuq sizcenj cauhoz le, guh lij lun caeuq cau baek gaujsi ndaej habgek, baujcwnq soengq cuzsw maenhndei hawj lijyouz gingjih, miz 38 boub mbaucqoz Myauzcuz camgya hagsib.

(Liu Swjyenh/廖子渊)



▲ Boub lauxsae ndeu cingq saemjbingz goengfou cau baek gyoengq mbaucqoz Myauzcuz.



▲ Mbaucqoz cingq baij gij goengfou cau baek swheij hawj vunzlai yawj.



▲ Mbaucqoz Myauzcuz cingq hag cau baek.

Cauhbingz: Lwgnyez Diegbya Ndae Gwn Haeuxngaiz Yingzyangj

昭平：山区孩童乐享免费营养午餐



5 nyied 20 hauh dwg daih 26 aen “Ngoenz Yingzyangj Hagseng Cungguk”. Cauhbingz Yen daj 2012 nienz seizcou haggeiz haidoengh saedhengz guekgya lajmbanj yivu gyauyuz hagseng yingzyangj gaijndei giva gvaqdaej, gonqlaeng roengzngaenz 2000 lai fanh maenz ngaenz daej hwnjguh caeuq gaijndei daengx yienh lajmbanj yivu gyauyuz hagseng sizdangz. Mienxfei q hawj daengx yienh 222 aen hagdangz yivu gyauyuz lajmbanj gyawj 4 fanh boub hagseng moix vunz moix ngoenz ndaej yiengsowh 4 maenz ngaenz haeuxngaiz yingzyangj. Ndw doz dwg gyoengq hagseng cingq gwn haeuxngaiz yingzyangj.

(Liuz Feih/刘飞)

Denhdwngj: Yen Canzlenz Cujciz Bouxgagnyienh Bae Daegbied Gyauyuz Hagdangz Bau Gyaujswj Hozdung

天等县残联组织志愿者到特殊教育学校开展包饺子等活动

Geij ngoenz gonq, Denhdwngj Yen Canzlenz kujciz bouxgagnyienh bae ndaw yienh daegbied gyauyuz hagdangz guh “gij gyaez daegbied soengq hawj boubvunz daegbied” bang gyad hozdung.



Ngoenzde, aen yienh neix canzlenz soengq bae hawj daegbied gyauyuz hagdangz moix boub hagseng dauq buhvaq moq ndeu, caemhcai q caeuq hagseng itheij boq lab、ciengj daengq daengj guh'angq hozdung, lij caeuq gyoengq hagseng bau gyaujswj dem, hawj 32 boub hagseng vuenheij angqyangz doh gvaq ngoenz ndeu. Ndw doz dwg hozdung yienhciegz.

(Vangz Lilanz/黄丽兰)

Lungzswng: “Roekit” Gaxgonq Soengq Raeuj Hawj Lwgnyez Louzsouj Myauzcuz

龙胜：“六一”节前为贫困苗族留守儿童送去温暖

Geij ngoenz gaxgonq, Lungzswng Gak Cuz Swciyen Vujcanghbu gunghcoz yinz-yenz soengq buek daehsaw、lanzgiuz daengj vwnzdij doxgai q ndeu bae hawj Majdiz Yangh Cunghsinhyau gyoengq lwgnyez louzsouj、lwgnyez gungzhoj. Gyoengq vujcanghbu gunghcoz yinzyenz lij caeuq gyoengq lwgnyez itheij guhangq、gangigoj dem, gyagiengz caeuq lwgnyez louzsouj ngaendoeng, hawj gyoengqde gamjdaengz gij raeuj seveicujyi guek raeuz.



(Veiz Gizyangz、Gyaj Libingz/韦吉阳 贾丽平)

Mulaujcuz Bozvuzgvanj Dwg Giz Ndei Hagseng Bae “Cungdienh”

仫佬族博物馆成学生“充电”好去处

Mulaujcuz Bozvuzgvanj moq gyonj roengzngaenz 2400 fanh maenz ngaenz, 3 caengz 7 aen canjdingh, yo miz 2000 lai gienh doxgai q, dwg giz ndei baujhoh caeuq baijok Mulaujcuz vwnzva yizcanj、hungzyangz caeuq cienzswnj Mulaujcuz minzcuz vwnzva、guh gyaez guek cuji gyauyuz haenx, youh dwg giz ndei gyoengq cungh siuj hagseng lai gakdoh、lai fuengmienh bae liujgaij Mulaujcuz minzcuz funghcingz caeuq minzcuz vwnzva he. Ndw doz dwg Lozcwnz Mulaujcuz Swciyen Daihngaih Siujyoz geij boub hagseng bae ndaw bozvuzgvanj canhgvanh hagsib.

(Se Sunhwngz/谢顺珩)

